

se, praxis ecclesie Romana id ipsum quin exsuperet. De Calice ergo conclamatisima res est, neq; quisquam laicorum est qui consolationis spem concipere posthinc possit remissionem peccatorum suorum Sangv. Christi obsignatam esse, nisi quis integritatem Sacramenti magis ex stulto rationis acumine, quam ex Auctoris dictamine frivole juxta ac periculosissime velit judicare. Quod si quæ divinæ iræ æstu retorrída sce- rumq; metu exsangvis anima sanctissimum hunc sanguinem sitiât, ejusq; Communionem impensissime efflagitet, pia illicò desideria Obstantiensis Concilii rigore protelant, adjectis in- super horrendis convitiis, esse **POCULUM TOXICO RE- FERTUM** quod non nisi *hereticis precibus* expetatur Quor- sum videatur *Petrus Svardis*. Hist. C. T. L. V. fol. 4. 16. Tum *statum religionis in Gallia refert*, quanto in periculo versetur, ne plane pessum eat & opprimatur: quæ item remedia ad eam tuen- dam adhibenda. Ea duo omnino esse, ut Regi Navarra ad eum mo- dum satisfiat, uti religionis patrocinium velit suscipere. Item, ut po- pulo per omnem Galliam sub utraq; specie cœna Dominica communi- cetur, hoc factò, ducenta millia animarum Ecclesie posse lucrifieri. Id ipsum Orator Pontifici jam proposuerat, Regis, Ecclesie Presu- lumq; Gallia nomine contendens, ut Eucharistia sacramentum popu- lo integrum ministretur. Eam præparationem populo Gallicano non modo utilem, sed necessariam; quæ hominum mentes ad decreta Con- cilio alacrius accipienda comparentur ac emolliantur, nisi ea adhi- beatur, periculum esse, ne remedium intempestivum, humoribus ad- huc crudis & male digestis, morbum graviolem parturiat. Et Pon- tifex pro ingenio suo ex improvisò nulla habita deliberatione respon- dit, sua quidem opinione communionem sub utraq; specie, & connu- bia Sacerdotum fuisse semper juris positivi: de quibus cum pari au- thoritate Pontifex statuere possit, atq; Ecclesia ipsa universalis in ultimo Cardinalium confessu petitiones eas pro Lutheranis habitas. Casarem ipsum Ferdinandum, Maximiliani filii sui Regis Bohemie
nomi-